

# EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### রাজনৈতিক নেতৃবৃন্দের সাথে গীতা পাসির সাক্ষাৎ

ঢাকা, ৯ই মার্চ -- যুক্তরাষ্ট্রের ভারপ্রাপ্ত রাষ্ট্রদূত গীতা পাসি আজ আওয়ামী লীগের ভারপ্রাপ্ত সভাপতি জিলুর রহমান এবং বিএনপির সাবেক অর্থমন্ত্রী সাইফুর রহমানের সাথে বৈঠক করেন। এসব বৈঠকে দলীয় অন্যান্য নেতৃবৃন্দও উপস্থিত ছিলেন। ভারপ্রাপ্ত রাষ্ট্রদূত পাসি পরবর্তী কয়েক সপ্তাহের মধ্যে অন্যান্য রাজনৈতিক নেতৃবৃন্দের সাথেও সাক্ষাৎ করার ইচ্ছা ব্যক্ত করেছেন।

ভারপ্রাপ্ত রাষ্ট্রদূত গীতা পাসি এবং রাজনৈতিক নেতৃবৃন্দ বাংলাদেশের বর্তমান রাজনৈতিক পরিস্থিতি ও নির্বাচনী রোডম্যাপ বাস্তবায়নের অগ্রগতিসহ নানা বিষয়ে আলোচনা করেন। যুক্তরাষ্ট্র সরকার যে তত্ত্বাবধায়ক সরকারের প্রতিশ্রুতি মোতাবেক ২০০৮ সালের শেষ নাগাদ একটি অবাধ, সুষ্ঠু ও পূর্ণাঙ্গ অংশগ্রহণমূলক নির্বাচন দেখতে চায় সে বিষয়টিই তিনি পুনর্ব্যক্ত করেন। এই প্রক্রিয়ায় রাজনৈতিক দলগুলোও যে গুরুত্বপূর্ণ ভূমিকা পালন করবে সে বিষয়টি ওপরেও তিনি জোর দেন। নির্বাচন অনুষ্ঠানের জন্য উপযুক্ত পরিবেশ সৃষ্টি করতে রাজনৈতিক দল ও সরকারের মধ্যে সংলাপের গুরুত্বের বিষয়টিও তিনি উল্লেখ করেন।

দুর্নীতির অভিযোগে যারা আটক আছে তাদের বিষয়ে ভারপ্রাপ্ত রাষ্ট্রদূত পাসি আইনের যথাযথ প্রক্রিয়া অনুসরণের প্রয়োজনীয়তার ওপর গুরুত্বারোপ করেন। তিনি বলেন, সাবেক দুই প্রধানমন্ত্রিসহ দুর্নীতির জন্য অভিযুক্ত সকলের বিচার প্রক্রিয়া যুক্তরাষ্ট্র ঘনিষ্ঠভাবে পর্যবেক্ষণ করছে এবং উল্লেখ করেন যে যুক্তরাষ্ট্র দূতাবাস শেখ হাসিনার বিচার পর্যবেক্ষণের জন্য পর্যবেক্ষক পাঠানোর অনুমতি চেয়ে অনুরোধ জানিয়েছে।

=====

জিআর/ ২০০৮

**দ্রষ্টব্য:** এই নিবন্ধের ইংরেজি ভাষা 'আমেরিকান সেন্টার'-এ পাওয়া যাবে। যদি আপনি ইংরেজি ভাষাটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov)) যোগাযোগ করুন।